

急治彙編

已 4

46



附 徐俞二先生弔脚痧方論

己酉春月
存存齋印

急治彙編

脚氣證輯要
喉痧治驗錄
五疫症治辨

慈谿張龢菜著

急治彙編序

春秋最著之醫曰和曰緩醫之無取乎急也明矣然有急病焉稍緩須臾而不得非賴審機應變之才事曷以濟苟有其人或相去較遠或酬應不遑則輟轉呻吟將迫不及待故自昔良醫遇有驗方必選錄行世功德誠非淺鮮門下士張繇葉明經幼多疾厄賴喜岐黃長侍母病屢調湯藥迺至戚友相邀赴急往往立起沈疴近歲來遊滬瀆而臨證日以益多昔賢所謂博涉知病屢用達藥是已爰取平日曾經治驗者集錄數種名曰急治彙編其一為腳氣證輯要此證來勢甚緩似無用其急治然或數年之恙一旦猝發即萬分危殆若待既發雖急治恐已無及必須平日一覺此病立時救療故宜急治者一其二曰喉痧治驗錄此症種類不一稍

急治彙編

經誤治即難挽救故必遇其人得其法期於迅速奏功病家固不可因循醫家亦不能玩忽審因察脈辨證立方平日既貴學問臨時更須膽智庶不至枉折民命故宜急治者二其三曰五疫症治辨疫症之作歲或有之其甚者往往傳染日多求治不及而醫者亦不遵內經五疫之旨審其的症求其的方每至朦朧施治迄無效驗不知疫病之發其勢迅暴若遇時行厲氣有數人相似即辨為五疫中何症備方備藥則物來順應自然生機活潑可以救人

之危故宜急治者三合此三種為蘇葉手自編輯或選方或錄案或立論但取簡明不求繁縟此外有舊傳弔腳痧要方試驗已多設遇是症毫無疑義故附錄於後以冀良方得流傳不替云爾

宣統紀元己酉春月

友生葉慶增題

腳氣證輯要

慈谿張蘇茶華墅甫纂錄

昔賢謂古無腳氣之名。然考內經諸論。凡言痿痺。蹻及足病。附腫。胕痠。脛痛。筋攣。蹠跛。輒短弛長等證。即是腳氣之類。又金匱虛勞門。肢節疼痛。腳腫如脫。又腳氣疼痛。腳氣衝心。腳氣上入少腹。不仁。是漢以前已有此病。雖列治法。亦以為難。千金謂心肺經起。手十指。肝脾腎經起。足十指。地之寒暑風濕。足常履之。故風毒中人。必先中腳。然內經有肺熱葉焦。則生痿躄。心氣熱。則脛縱。而不任地。是心肺二臟亦致此病。不專主肝脾腎也。又三陽為病。發寒熱。下為癰腫。及為痿厥。臄痛。又三陽三陰發病。為偏枯痿易。四肢不舉。又巨陽之厥。足不能行。少陽之厥。胕不可以運。又陽明虛。則宗筋縱。帶脈不引。足痿不用。是腑氣為患亦多。此病不專屬

腳氣證輯要

趙翰香居藏本

五臟也。又云：始富後貧，雖不傷邪皮焦筋屈，痿躄為攣，是精氣內奪，亦易致疾，不盡關風毒也。要之腳氣之症，臟腑俱易感襲，但肺氣為輕，臟氣為重病。心肺二臟者，少病；肝脾腎者，多病。腎虛者為最難治，外感內傷均有此疾。外感為輕，內傷為重。內傷微者，猶輕；外感甚者，亦重。內傷而兼外感者，尤重而急。西醫謂此症多有電毒，故其發甚暴，信是則不能用鍼，即銀鍼亦不宜投，恐其發電，千金亦云服藥及灸二者不可間斷，未嘗及鍼也。曾見因鍼而隕命者甚多，腳氣當灸之穴，初風市次伏兔，次犢鼻，次膝兩眼，次三里，次上廉，次下廉，次絕骨。湯九諸方圖書集成彙輯最富，亦宜悉心選擇，對症施治。先哲名言，以唐孫公為最著。各書多有集錄，茲不復贅。特取宋以來論說數則，臚列於後，以備治是證者採擇焉。

嚴用和濟生方脚氣論

千金言脚氣皆由感風毒所致。又經云地之寒暑風溼皆作蒸氣。足常履之遂成脚氣。然古來無脚氣之說。黃帝時名為厥。兩漢之間名曰緩風。宋齊之後謂之脚氣。其名雖不同其實一也。以此觀之寒暑風溼皆能致此。非特風毒而已。脚氣之病初得不覺。因他病乃始發動。或奄然大悶。經三兩日方乃覺之。先從脚起。或緩弱疼痺。或行起忽倒。或兩脛腫滿。或足膝枯細。或心中忪悸。或小腹不仁。或舉體轉筋。或見食吐逆。惡聞食氣。或胸滿氣急。或遍體酸痛。此其候之不同也。大抵寒中三陽所患必冷。暑中三陰所患必熱。誠哉斯言。若論其脈浮而弦者起於風。濡而弱者起於溼。洪而數者起於熱。遲而濇者起於寒。風者汗而愈。溼者溫而愈。熱者下

而愈寒者熨而愈。凡得腳氣速宜鍼灸之。惟用湯淋洗者。醫之大禁也。觀夫腳氣皆由腎虛而生。然婦人亦有病腳氣者。必因血海虛。乘血塊噴。悲哀感。悲傷遂成斯疾。兼令婦人病此者。衆則知婦人以血海虛而得之。與男子腎虛類矣。治婦人之法。與男子用藥固無異。但兼以治憂。悲藥無不效也。且補瀉之法。當順四時。春秋二時當急補。瀉。夏月疾盛。專須汗。神。入冬以後。須量人之盛衰。微加滋補。不然。則氣血日衰。必使年年遇蒸熱而作理之。必然也。治法大概不越於斯。又當於四時之中。謹加調攝。不得久坐。立。冷溼之地。暑月亦不當露坐溼處。能慎於斯。依法治之。無不瘥矣。

李東垣十書四肢辨內外傷

內傷等病。是心肺之氣已絕。外必怠惰嗜臥。四肢沈困不收。此乃

熱傷元氣脾主四肢既為熱所乘無氣以動經云熱傷氣又云熱則骨消筋緩此之謂也若外傷風寒是腎肝之氣已絕於內腎主骨為寒肝主筋為風自古腎肝之病同一治以其遞相維持也故經言膽主筋膀胱主骨是也或中風或傷寒得病之日便著牀枕非扶不起筋骨為之疼痛不能搖動乃形質之傷經云寒傷形寒則筋攣骨痛此之謂也內傷及勞役飲食不節病手心熱手背不熱外傷風寒則手背熱手心不熱此辨至甚皎然

吳崑醫方考腳氣方論

腳氣類傷寒則察之難腳氣能令人死則治之難是非可以淺淺

論腳氣矣考方七首同志者尚教我哉

原方七首摘去椒湯洗方一首今存六首

腳氣憎寒壯熱者防已飲主之蓋腳氣者濕熱在足而作氣痛也

濕熱分爭濕勝則令人憎寒熱勝則令人壯熱此其為證亦有兼頭痛者頗類傷寒惟其得病之始本於腳氣為異耳又不可以腳腫為拘亦有痛而不腫者名曰乾腳氣亦有緩縱不隨者名曰緩風亦有疼痛不仁者名曰濕痺亦有轉筋攣急者名曰風毒此在醫者體會而辨證爾各有治法不同大抵腳氣之疾壅疾也喜通而惡塞故孫真人曰腳氣之疾皆由氣實而死終無一人以服藥致虛而殂故腳氣之人皆不得大補亦不得大瀉是方也木通防己檳榔通劑也可以去塞犀角黃蘗生地黃甘草梢寒劑也可以去熱蒼白二朮燥劑也可以去濕然川芎能散血中之氣犀角能利氣中之血先痛而後腫者氣傷血也重用川芎先腫而後痛者血傷氣也重用犀角若大便實者加桃仁小便澀者加懷牛膝內

熱加苓連時熱加石膏有痰加竹瀝全在活法初無拘也凡腳氣衝心喘息不止嘔吐不休者皆死水犯火故也

腳氣痛腫寒熱相搏脈來沈細者越婢湯主之蓋氣不得通則痛血不得行則腫此腳氣之所以為壅疾也寒熱相搏者邪氣與正氣相激搏也脈來沈者為裏細者為陰名曰越婢者越以發越為義婢卑也是方能發越至卑之氣故以越婢名之石膏性寒而重寒能勝熱重能就下附子味辛而熱辛能行壅熱能壯氣佐之以麻黃則寒熱之壅滯皆從毛孔而泄矣用白术甘草取其氣味溫平能致中和之氣於發越之餘耳而甘草獨少者恐其性緩多則不能速達於卑下之區也

寒濕腳氣疼痛不仁兩尺脈來沈細者六物附子湯主之此痺症

也。內經曰：寒氣勝者為痛痺，濕氣勝者為著痺，令疼痛不仁是寒而且著也。兩尺主兩足，脈來沈者為裏遲者為寒，是方也用桂附子溫其寒，防己白朮制其濕，甘草茯苓脾家藥也。扶生氣之不足，制濕氣之有餘，然必冷服者，欲桂附之性行下而不僭上也。乾腳氣者，謂腳氣入腹，不得通泄也。腳氣干於肝，則左脇有塊，腳氣干於脾，則令人痞，腳氣干於心，則令人死於夜，以夜氣助其陰邪也。因大寒不知人者，陰進而陽不舒也。以杉木湯主之。蓋杉木節質重而氣芳，質重則能達下，氣芳則能疏壅，橘葉味苦而厚，過於青皮，檳榔質實而重，等於鐵石，味厚則泄，質重則降，故能令邪氣大下。童便，鹹寒物也，鹹則能引邪氣以走濁陰，寒則能平熱氣，使不上逆。經曰：道之遠者，制大其服，故其量數五升云。

脚氣疼腫濕熱發黃者當歸拈痛湯主之蓋脚氣內壅故令疼腫濕熱不得泄越故令發黃是方也羌活防風升麻葛根蒼朮黃芩散之劑也可以泄越壅塞之脚氣苦參黃芩茵陳知母黃芩寒之品也可以解除內壅之濕熱乃澤瀉猪苓白朮淡滲物耳能導利下焦之濕當歸人參甘草者所以養血益氣也

脾氣虛弱胃氣下注令人足跗氣腫者升陽順氣湯主之蓋脾雖具坤靜之德而有乾健之運故脾氣沖和則升清降濁無跗腫也脾氣一虛土不制水則胃中水穀之氣隨經而下注令人跗腫是方也半夏甘草以益脾參耆以益氣寇麴以消磨水穀升柴以升舉胃氣當歸能使藥歸脾陳皮能利中宮之氣而蘗皮者取其氣味厚引升麻柴胡下走足跗而升舉其陷下之陽爾

喻嘉言醫門法律論八味丸治腳氣

古方崔氏八味丸用附桂二味陽藥入地黃等六味陰藥之中全
實取治腳氣上入少腹不仁其意頗微蓋地氣上加於天則獨用
薑附之猛以勝之地氣纔入少腹適在至陰之界無事張皇所以
但用陽藥加於陰藥內治之不必偏於陽也至腎水泛溢婦人轉
胞小便不利則變其名為腎氣丸而藥仍不變蓋收攝腎氣則腎
水歸源而小便自行亦無取偏陽為矣觀此則治陽虛陰盛之卒
病其當用純陽無陰更復何疑後人於腳氣入腹少腹不仁而見
上氣喘急嘔吐自汗不識其證地氣已加於天襲用此方不應乃
云此證最急以腎乘心水剋火死不旋踵用本方加附桂各一兩
終是五十步笑百步不達卒病大關徒以腎乘心水剋火五臟受

剋為最急。不知五臟互相剋賊。危則危矣。急未急也。厥後朱奉議治脚氣變八味丸為八味湯。用附子乾姜芍藥茯苓甘草桂心人參白朮。其義頗精。於中芍藥甘草人參臨證更加裁酌。則益精氣奈何無識之輩。復以此湯插入已見。去桂心加乾地黃。以陰易陽。奚啻千里。而方書一概混收。詎識其為奉議之罪人乎。

金匱續命湯 治風痲拘急口不能言。欬逆浮腫。古方分兩不合。臨症極宜斟酌。

麻黃 桂枝 甘草 乾薑 石膏 當歸 人參 各三兩
杏仁四十粒 桂枝 甘草 乾薑 石膏 當歸 人參 各三兩

桂枝芍藥知母湯 治肢節疼痛脚腫如脫。頭眩短氣。溫溫欲吐。

桂枝 白朮 知母 防風 各四兩 甘草 各一兩 芍藥 三兩 生薑 五兩 水煎服 日三次

崔氏八味丸 治脚氣上入少腹不仁。

熟地黃 八兩 山茱萸 淮山 各四兩 茯苓 丹皮 澤瀉 各三兩 玉桂 附子 泡各一兩 研末 蜜丸 酒下 三錢 日再服

急治彙編 脚氣證輯要 七 趙翰香居藏本

烏頭湯 治病歷節羸瘦足腫大汗出脛冷亦治脚氣疼痛不可

麻黃 芍藥 黃耆 甘草各三兩四味水三升煮一升去滓
用烏頭五枚 蜜二升煮一升去烏頭用前汁內蜜煎中再煎

越婢加朮湯 治內熱津脫汗大泄屬風氣下焦脚弱

麻黃六兩石膏半斤生姜二兩甘草二兩白朮四兩棗十五枚
先煮麻黃去沫內諸藥再煎日三服惡風加附子

千金竹瀝湯 治兩脚痺弱或轉筋皮肉不仁腹脹起如腫

竹瀝三兩 甘草 秦艽 葛根 黃芩 麻黃 防己 桂
心 乾薑各三錢 細辛一錢 茯苓六錢 防風四錢 升

麻一錢 附子一枚 杏仁三十枚水煎汁沖竹瀝分三服

八風散 治風虛面青黑土色不見日月光脚氣痺弱

菊花一兩石斛 天雄各四錢半人參 附子 甘草各五錢
薯蕷 續斷 黃耆 澤瀉 遠志 秦艽 石葦 牛膝

葛蒲 杜仲 茯苓 乾地黄 防風 白朮 乾姜 萆薢
各三錢 細辛一錢 烏頭錢半共為散酒服二錢日三服

風引湯 治兩脚疼痛腫或不仁拘急不得行

麻黃 石膏 獨活 茯苓各六錢 吳茱萸 附子 秦艽

人參 川芎 桂心 甘草 防風 防己 各三錢 細辛 一錢
乾姜 四錢 半白朮 一兩 杏仁 六十粒 水煎汁分三服 取汗

犀角旋復湯 治脚氣初起兩脰腫滿或入腹不仁喘息上氣

犀角 旋復花 橘皮 茯苓 生薑 各六錢 半 大棗 七枚
香豉 一升 紫蘊 莖葉 一握 水煎汁分三服 以氣下小便利為度

深師石膏湯 治脚氣風毒熱氣上衝頭面面赤筋急鼻塞神情

昏憤心胸恍惚或若驚悸身體顫掉手足緩縱或痠痺頭目眩

重目反鼻辛熱氣出口中或患味甜諸惡不可名狀者

石膏 龍膽 升麻 芍藥 貝齒 甘草 炙蠶甲 黃芩
羚羊片 各一兩 橘皮 當歸 各二兩 水八升 煮取三升 分三服

杉木湯 治脚氣入腹衝心危急欲絕

杉木 節四兩 大腹皮 一兩 大檳榔 七枚 青橘葉 四十九
片如無用皮 右剉作一貼分二三次用順流水煎濃汁服

當歸拈痛湯 治濕熱脚氣腫痛

羌活 茵陳 酒炒 黃芩 酒炒 炙甘草 各一錢 知母 鹽水
澤瀉 赤苓 猪苓 白朮 防己 各六分 人參 苦

急治脚氣證輯要 趙翰香居藏本